

張氏醫通
卷三



張氏醫通卷之三

清

長洲石頑張

璐路玉父纂述

男

以柔安世

叅訂

訥遜言

日本

大泉長菴前田安宅子仁

再訂

男

典子守

寒熱門

發熱

東垣云。仲景論內外不足。發熱自汗之證。大禁發汗。若飲食
勞倦。雜病發熱。自汗表虛之證。認作有餘。誤用表藥發之。汗
大出而表益虛也。身盡熱。先太陽也。從外而之內者為外
傷。手足不和。兩脇俱熱如火。先少陽也。從內而之外者為



內傷。○傷食令人頭痛。脈數發熱。但左手脈平和。身不疼痛。是也。○人迎氣口俱繁盛。或舉按皆實大。發熱而惡寒。腹不和而口液。此內外俱傷也。○夏月火乘土位。溼熱相合。病多煩躁悶亂。四肢發熱。或身體沈重。走注疼痛。皆溼熱相搏。鬱而不伸。故致熱也。○發熱身疼。而身如薰黃者。溼熱也。○一身盡痛發熱。日晡所劇者。風溼也。○汗出而身熱者。風熱也。○身熱脈弦數。戰慄而不惡寒者。瘧瘧也。○中脘有痰。令人憎寒發熱。惡風自汗。寸口脈浮。胸膈痞滿。有類傷寒。但頭不疼。項不强爲異。○虛煩與傷寒相似。身熱脈不浮緊。不惡寒。但熱而煩。頭不痛。○脚氣爲病。大便堅。脚膝兩脛腫痛。或枯細者。當其發時。亦發熱憎寒。嘔惡。有似傷寒也。○春夏之交。發熱而渴。或微惡寒。右手脈來數盛者。溫病也。○身熱頭疼。

自汗多眠。陽脉浮滑。陰脉濡弱者。風溫也。○夏月大熱而渴。脉盛躁者。熱病也。○夏月脉虛身熱而喘乏者。傷暑也。○四肢發熱。口舌咽乾。煩躁悶亂者。心與小腸之火。乘脾土之位。脾主四肢。爲諸陽之本。脾熱故四肢發熱。○每日晡時憎寒壯熱。脉數盛而有痛處者。癰毒之將發也。

李士材治夏彞仲太夫人。年屆八十。因彞仲遠任閩中。憂思成疾。忽發熱頭疼。醫以傷寒發散禁食。一劑而汗如浴。喘促神昏。其脉大無力。卽令進食。而投參耆白朮。橘紅甘草煨薑一劑。而喘汗差減。倍用參朮至一兩。證愈七八。惟食未強。此火衰不能生土。加熟附乾薑服二月而痊。

熱

經云。熱至則身熱。吐下霍亂。癰疽瘡瘍。督鬱注下。睵瘰腫脹。

嘔。孰衄頭痛。骨節變。肉痛。血溢。血泄。淋閉之病生矣。○病機

云。諸風掉眩。皆屬於肝。諸寒收引。皆屬於腎。諸氣臍鬱。皆屬

於肺。諸溼腫滿。皆屬於脾。諸痛癢瘡。皆屬於心。五條分屬諸

厥固泄。皆屬於下。謂下焦肝諸痿喘嘔。皆屬於上。謂上焦心

諸熱瞋瘰。皆屬於火。三焦少陽諸禁鼓慄。如喪神守。皆屬於火。

手少陰諸瘕項強。皆屬於溼。足太陽諸逆衝上。皆屬於火。厥手

心經諸脹腹大。皆屬於熱。足太陽諸躁狂越。皆屬於火。陽足

絡心胞諸暴強直。皆屬於風。足厥陰諸病有聲。鼓之如鼓。皆屬

經。明胃諸熱。手太陰諸病。皆屬於火。手陽明諸轉反

戾。水液渾濁。皆屬於熱。手太陰諸病。皆屬於火。手陽明諸轉反

寒。

足少陰腎經

諸嘔吐酸暴注下迫皆屬於熱。

足少陽膽經

按病機十九條。邵元偉分屬經藏前五條各屬五藏之病。次二條兼該上下之病。後十二條分隸十二經證。而河間原病式從未論及。皆偏言盛氣實邪。立言若此。虛者何堪。故婁氏指其治法之偏。誠非過也。觀十九條中除五藏上下外。其間屬火者五。屬熱者四。其外惟風寒溼三氣而已。况五藏中之心藏。豈非亦屬火乎。今以全節類諸熱門。使學者比例而觀。庶寒熱盛之機可了然無惑矣。盛啓東云。治熱須辨真假。夫真熱則發熱惡寒。脈數有力。按之更實。煩躁口渴。大便燥。小便赤濇。或利臭積。發言壯厲。不欲近衣者。是也。親乎表者宜發散。親乎裏者宜通泄。假熱亦發熱惡寒。而足必不熱。脈大而虛。按之微弱。身雖熾熱而不

躁不渴。或見虛狂躁渴而不能引飲。發過頃之卽止。終不及聲高詈罵者也。經曰。寒熱有真假。治法有逆從。此之謂也。雜病發熱。陰虛於下也。經云。陰虛則發熱。大陽在外。爲陰之衛。陰在內。爲陽之守。精神外馳。嗜慾無節。陰氣耗散。陽無所附。遂致浮散於肌表間而發熱也。實非有熱。當作陰虛治。而用補養之法可也。

丹溪論晝夜發熱。晝重夜輕。口中無味爲陽虛。午後發熱。夜半則止。口中知味爲陰虛。陽全陰半。陽得以兼陰。陰不得以兼陽也。至於或晝或夜。或作或止。不時而發者。此脾胃氣血俱虛。火氣不寧之證。不可拘於晝夜之候也。陽虛責在胃。陰虛責在腎。蓋饑飽傷胃。勞役則兼傷脾。陽氣虛矣。房勞傷腎。竭力則傷肝。陰血虧矣。

腎虛火不歸源。遊行於外而發熱者。煩渴引飲。面目俱赤。遍
舌生刺。兩脣黑裂。喉間如烟。火上衝。兩足心似烙。痰涎壅盛。
喘急氣促。脉洪大而數。疾無倫。按之微弱者。是也。法當導火
歸源。誤用寒涼。必殆。卽或知其本虛。而用補益。不辨陰虛陽
虛。漫投參朮。則陽愈盛。而陰愈虛。壯熱轉增。八味桂附之屬
愈不敢施。不得已。用知檠苓連折之。必至燥渴咽痛腹痛泄
瀉而死。

凡暴熱不止。脉滑數。或洪盛。皆爲實熱。宜隨表裏孰輕孰重
而清理之。或脉雖沉。而按之實堅者。爲裏實。必用苦寒下奪
之。若熱久不止。脉來虛數無力。服調補藥不應。飲食無味。或
至夜煩渴。或反加乾欬者。此必陰血受傷。當以血藥調補其
陰。則陽熱自化。陰陽虛盛之機。不可不審而急爲轉關也。

診。脉數爲熱。浮數表熱。沉數裏熱。無力虛熱。有力實熱。滑數心下結熱。緩而滑爲熱中。牢爲脾胃盛熱。若發熱而脉反沉細。或數疾無力者。病脉相反也。死。病熱有火者生。心脉洪是也。浮而濇。濇而身有熱者死。熱而脉靜者難治。脉盛汗出不解者死。脉虛熱不止者死。脉弱四肢厥。不欲見人。食不入。利下不止者死。

人。其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。
其。心。不。平。上。皆。我。祖。國。四。祖。國。不。容。見。人。不。見。人。



潮熱

潮熱有作有止。若潮水之來。不失其時。一日一發。若日三五發者。卽是發熱。非潮熱也。有虛有實。惟傷寒日晡發熱。乃胃實。別無虛證。其餘有潮熱者。當審其虛實。若大便堅濇。喜冷畏熱。心下幅然。睡卧不著。此皆氣盛。所謂實而潮熱也。涼膈散大柴胡輩下之。若胃氣消乏。精神憔悴。飲食減少。日漸羸。羸病雖變去。而五心常有餘熱。此屬虛證。宜逍遙散小柴胡等加減。有每遇夜身發微熱。病人不覺。早起動作無事。飲食如常。旣無別證可疑。只是血虛陰不濟陽。朝用加味逍遙散。暮用六味丸。不應。用當歸補血湯。加減八味丸。有潮熱似癰。胸膈痞塞。背心疼痛。氣弱脉弦。服補藥不効者。此屬飲證。隨氣而潮。故熱亦隨飲而潮。於痰飲門求之。○氣口脈滑。內

有宿食。常暮發熱。明日復止者。於傷飲食門求之。



惡寒

背惡寒

經云。陽虛則外寒。奈何。曰。陽受氣於上焦。以溫皮膚分肉之間。今寒氣在外。則上焦不通。而寒氣獨留於外。故寒慄。惡寒者。雖當夏月。若遇風霜。欲得重綿。時覺凜凜。戰慄如喪神守。此熱伏於裏。而反覺自冷。實非寒也。或曰。往往見有服熱藥而愈者。何也。曰。病熱之人。其氣炎上。鬱為痰飲。抑遏清道。陰氣不升。病熱尤甚。積痰得熱。亦為暫退。熱勢助邪。其病益深。或曰。寒勢如此。誰敢以寒涼藥與之。非殺而何。曰。古人遇戰慄之證。有以大承氣湯下燥屎而愈者。惡寒戰慄。明是熱證。但有虛實之分耳。有衛氣虛衰。不能實表分肉而惡寒者。有上焦之邪。隔絕營衛。不能升發出表而惡寒者。有酒熱內鬱。不得泄而惡寒者。

背惡寒是痰飲。仲景云。心下有留飲。其人背惡寒。冷如水。指迷茯苓丸。身前寒屬胃。經云。胃足陽明之脈。氣虛則身以前皆寒慄。掌中寒者。腹中寒。魚上白肉有青血脉者。胃中有寒。理中丸。表虛惡賊風。上焦不通。陽氣抑遏而皮膚分肉無以溫之。故寒慄。升陽益胃湯。開發上焦。以升陽明。出外溫之也。○外感內傷。傷食。溼痰。火鬱。皆有惡寒。非獨陽虛也。若脈浮緊。頭痛拘急。身疼微惡寒熱起。是外感。審時令輕重發散之。脈緩弱。或氣口虛大。按之無力。兼見倦怠。手心熱。是內傷。元氣證。補中益氣湯。加桂附二三分。以行參耆之力。且益陽氣也。脈弦滑。惡心頭痛。飽悶溢酸。是內傷宿食。從傷食治。或脈來瀉伏。腹滿煩熱喘促者。是冷食結滯於內也。當與溫消。枳實理中湯。審係肉食。加炮黑山楂一二錢。脈滑或沈。周身疼

痛而惡寒者。屬_二溼痰。乃痰在上焦。遏絕陽氣而然。肥人多此。
宜_二陳加_二朮羌防。少佐桂枝。甚者先吐之。惡寒非寒。不戰
而慄。從火鬱治。火鬱湯。若鬱遏陽氣於脾土。令人惡寒者。東
垣升陽散火湯。內虛裏急。惡寒少氣。手足厥冷。少腹攣急。足
脛疼痠。此陽不足也。大建中湯。背惡寒。脉浮大而無力者。
爲氣虛。脉弦緊。寒熱兼作。乃瘡腫之候。須問身中有無腫
處。大抵惡寒證。除陽虛外。屬表證者多。乃表中陽氣不得
發越而然。須辛散之。惡寒家不可過覆近火。寒熱相搏。脉
道沉伏。愈令病人寒。不可遏。但去被撤火。兼以和營之藥。自
然不惡寒矣。婦人惡寒。尤不可近火。寒氣入腹。血室結聚。鍼
藥所不能治矣。

祝仲寧治一貴婦病惡寒。日夜以重裘覆其首。起躍入沸

湯中不覺。醫以爲寒。祝持之曰。此痰火上騰。所謂陽極似陰也。非大下之。則火不殺。下經宿而撤裘。呼水飲之。旬日氣平乃愈。

李士材治吳文遂。眩暈三載。雖戰慄惡寒而不喜飲熱湯。五月向火。數妾擁居帷帳。屢服薑桂不効。脈浮之細小。沉之搏堅。是鬱火內伏。不得宣越也。用金花湯加柴胡甘草生薑。乘熱飲之。移時而惡寒減。再劑而撤火爐。踰月而起。更以人參湯進六味丸。兩月全安。石頑曰。凡病但惡寒而不發熱者。多屬火鬱之證。舉世一以陽虛爲治。誤入多矣。如墅關謝君宣之病。七月間寒熱如瘧。因服苓知石膏輩。稍間數日。後因小便精大泄。遂腦痛如破。惡寒振振欲擗地。醫用八味六君。三倍參附而寒。